

KJKP "RAD" d.o.o. SARAJEVO, Paromlinska 57 (u daljem tekstu: "kupac"), koga zastupa v.d. direktorica Vera Arnautović, dipl.pravnik.

Broj rješenja: UF/I-889/01  
Porezni broj: 01700105  
Identifikacioni PDV broj: 200316890001  
Transakcijski račun broj: 338-900-2208077649 UniCredit banka d.d. Sarajevo

i

KA TIRE d.o.o. SARAJEVO, Prve samostalne brigade br. 10, 71 210 Ilidža (u daljem tekstu: "prodavac"), koga zastupa direktor Džavid Spahalić.

Broj rješenja: 65-01-0247-12  
Porezni broj: 201736020009  
Identifikacioni PDV broj: 4201736020009  
Transakcijski račun broj: 1610000099190077 Raiffeisen bank BiH d.d.

zaključili su:

**U G O V O R**

**o isporuci rezervnih dijelova hidraulike za građevinske mašine BOMAG**

**PREDMET UGOVORA**

**Član 1.**

Predmet ovog Ugovora je isporuka rezervnih dijelova hidraulike za građevinske mašine BOMAG za potrebe KJKP "RAD" d.o.o. Sarajevo, prema ponudi broj: 082-05/19 od 15.05.2019. godine i Okvirnom sporazumu od 21.06.2019. godine.

**Član 2.**

Kupoprodaja robe iz prethodnog člana vršit će se na jedan od slijedećih načina:

- mjesečnom specifikacijom;
- pojedinačnim zaključcima;
- porudžbenicama kupca putem telefaksa i telefona;
- na drugi uobičajeni način.

Porudžbenica ili specifikacija treba da sadrži asortiman, količinu, klasu, i rokove isporuke, puni naziv i adresu sjedišta, identifikacioni broj, naziv banke i broj računa.

**CIJENA I NAČIN PLAĆANJA**

**Član 3.**

Cijene robe iz člana 1. ovog ugovora su fiksne. Fakturisanje se vrši po važećem cjenovniku i jediničnim cijenama Prodavca iskazanom u ponudi broj: 082-05/19 od 15.05.2019. godine koja čini sastavni dio ovog Ugovora.

Ukupna vrijednost nabavke prema godišnjim potrebama iznosi: 50.000,00 KM bez uračunatog PDV-a, a isti će se obračunavati u skladu sa važećim propisima.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

Prodavac će Kupcu fakturisati isporuku robe na osnovu dokumentacije o prijemu robe ovjerenu od strane ovlaštenog lica Kupca, a datum fakturisanja se smatra datumom nastanka dužničko-povjerilačkog odnosa.

Kupac svoje obaveze po fakturi Prodavca izmiruje u roku od 90 dana sa plaćanjem na transakcijski račun Prodavca.

## **ROK ISPORUKE**

### **Član 4.**

Rok isporuke robe iz člana 1. Ugovora je 7 (sedam) dana od dana dostavljanja narudžbe u skladište Kupca po vrsti, količini i u roku.

Prodavac će isporučivati robu prema dogovorenoj dinamici u skladu sa potrebama Kupca.

## **GARANCIJA**

### **Član 5.**

Prodavac je obavezan dostaviti garanciju za dobro izvršenje posla 10 % vrijednosti ugovora. Rok za dostavljanje garancije je 7 (sedam) dana od dana potpisivanja Ugovora.

## **KVANTITATIVNI I KVALITATIVNI PRIJEM**

### **Član 6.**

Kvantitativni prijem roba Kupac vrši prilikom preuzimanja istih, u svom skladištu.

Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

## **UGOVORNE KAZNE**

### **Član 7.**

U slučaju kašnjenja u isporuci robe, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

## **RASKID UGOVORA**

### **Član 8.**

Ako se u slučaju više sile, potpuno ili djelimično spriječi izvršenje obaveza po ovom ugovoru, ugovorna strana kod koje je nastupila viša sila je obavezna da obavijesti drugu ugovornu stranu o odlaganju ili raskidu ugovornih obaveza u roku od 7 (sedam) dana od momenta nastanka više sile.

### **Član 9.**

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.



## OSTALE ODREDBE

Ovaj Ugovor stupa na snagu kada ga potpišu obje ugovorne strane i traje do 21.06.2019. godine.

### Član 10.

Sve izmjene i dopune ovog Ugovora mogu se vršiti isključivo pismeno uz saglasnost ugovornih strana.

### Član 11.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

### Član 12.

Sastavni dio ovog Ugovora je Ponuda broj: 081-05/19 od 15.05.2019.godine.

## ZAVRŠNE ODREDBE

### Član 13.

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima BiH.

### Član 14.


Ugovor je sačinjen u šest (6) istovjetnih primjerka, 4 (četiri) za Naručioca, a 2 (dva) za Isporučioca.

Ugovor stupa na snagu datumom obostranog potpisivanja.

**KA TIRE BH d.o.o. Sarajevo**  
direktor

  
Džavid Spahalić, dipl.maš.inž.

**KJKP "RAD" d.o.o. Sarajevo**  
v.d. direktorica

  
Vera Arnautović, dipl.pravnik

**SUPOTPISNIK UGOVORA**  
Izvršni direktor Pogon „Održavanja“

  
Haris Kukavica, dipl.ing.maš.

Broj: 05-03-04- 10658 /19  
Dana 21.06.2019. godine